

1001 Masalah

Abu Al-Mokhtar Sedia Menjawab



al-Shaykh Abdul Kadir al-Mandili dan kitabnya

yang telah heboh diperkatakan di dalam akhbar

(4)

Bagi menjawab pertanyaan saudara Salih bin Muhammad Ali, Seremban, tentang kandungan kitab ((Beberapa mutiara yang bagus lagi indah)) karangan faqīlāh al-Shaykh Abdul Kadir al-Mandili, guru di Masjid al-Harām Makkah al-Mukarramah, kita sajikan di sini beberapa masalah lagi yang telah dihuraikannya dalam kitabnya itu.

Masuk parti-parti yang bukan Islam

Beberapa pertanyaan telah disajikan di dalam kitabnya itu seperti berikut:

Di negeri kita ada beberapa parti, seperti parti kebangsaan, parti buruh, parti rakyat, parti komunis dan parti Islam. Parti-parti yang tersebut mempunyai tujuan yang berlain-lainan. Umpamanya parti Islam itu tujuannya memajukan Islam, menyuruh dengan segala kebijakan, dan menegah daripada segala kejahatan, serta hendak mendirikan pemerintah yang berdasarkan Islam yang menjalankan segala perintah Allah Ta‘ālā dan rasul-Nya *sallā Allāhu ’alayhi wa sallam*. Apa hukum masuk segala parti itu? Adakah wajib atas tiap-tiap orang Islam masuk dan menyokong akan parti Islam itu? Apa pula hukum orang

yang berkecuali, yang tiada masuk mana-mana parti, dan tiada menyokong akan sesebuah parti? Dan apa pula hukum alim ulama yang mendiamkan diri, tiada menolong akan parti Islam yang tersebut?

Tatkala menjawab akan pertanyaan-pertanyaan itu, beliau berkata:

wajib atas tiap-tiap orang-orang Islam istimewa alim ulama pada menyokong akan parti Islam yang tujuannya sebagaimana yang terkandung di dalam pertanyaan di atas tadi, kerana firman Allah Ta‘ālā:

“*wa ta’āwanū ‘alā al-birri wa al-taqwā.*”

Ertinya: “Dan bertolong menolong oleh kamu atas kebijakan dan taqwa.”

Dan firman Allah Ta‘ālā: “*wa al-mu’mīnū wa al-mu’mīnātū ba’du hum awliyā’u ba’ din ya’murūna bi al-ma’rūfi wa yanhauna ‘an al-munkari.*”

Ertinya: “Dan sekalian orang yang beriman, yang lelaki dan perempuan, setengah mereka menolong akan setengahnya yang lain, mereka menyuruh dengan kebijakan dan melarang daripada mungkar.”

Dan juga kerana Rasulullah *sallā Allāhu ’alayhi wa sallam* bersabda:

“*Man ra’ā min kum munkaran fa al-yughayiruhu bi yadihi, fa in lam yastaṭi’ fa bi lisānihi, fa in lam yastaṭi’ fa bi qalbihi wa dhālikā ‘ad’afu al-’imān.*”

“Ertinya: “Barang siapa dari antara kamu – wahai sekalian mukallaf – mengetahui akan perkara yang munkar. Maka hendaklah ia mengubahnya dengan perkataannya, kalau juga tidak sanggup: Hendaklah ia mengubahnya hatinya, dan yang demikian itu ialah sedaif-daif iman (sedaif-daif pekerjaan Islam).”

Hadith ini, hadith sahih, diriwayatkan oleh

Muslim dan al-Imam Ahmad daripada Abī Sa‘īd al-Khudrī

radiya Allāh ‘anhu.

Perkara ((munkar)) yang dimaksudkan dalam hadith itu ialah perbuatan meninggalkan yang wajib atau mengerjakan yang haram.

Alim ulama telah ijmak‘ atas wajib menghapuskan akan segala perkara yang mungkar. jika ia terhenti atas tolong menolong dan masuk parti Islam supaya mendapat kekuatan maka perkara tolong menolong dan masuk parti Islam itu adalah menjadi wajib, kerana kaedah yang telah maklum pada sisi orang ramai, iaitu:

“*Mā lā yatimmu al-wājib illā bihi fa huwa wājib.*”

Ertinya: “Barang yang tiada sempurna perkara yang wajib itu melainkan dengannya, maka wajiblah ia.”

Dan kaedah: “*li al-wasā’il hukmu al-maqāsid.*”

Ertinya: “Bagi segala wasilah (jalan yang menyampaikan)

itu: Hukum segala perkara yang dimaksudkan.”

Setengah daripada segala perkara yang dimaksudkan, yang wajib atas orang-orang Islam ialah mendirikan pemerintah yang berdasarkan Islam, yang menjalankan segala hukum yang diturunkan oleh Allah Ta‘ālā, sedang yang demikian itu tidak akan tercapai melainkan dengan adanya orang-orang yang berfaham Islam yang besar sekali jumlahnya di dalam parliment (Dewan Perwakilan Rakyat).

Oleh itu wajib atas tiap-tiap mukallaf: menyokong akan parti Islam yang tujuannya menjalankan perintah Allah dan menghukum dengan segala hukum yang diturunkan oleh Allah Ta‘ālā. Dan wajib juga atas rakyat jelata: memilih akan wakilnya di parliment daripada orang-orang yang bertujuan dengan tujuan yang tersebut, supaya berhasil tujuan dan maksud yang wajib itu. Dan haram atas orang-orang Islam masuk atau menyokong akan parti-parti yang lain, yang tiada bertujuan seperti tujuan yang tersebut, istimewa parti komunis, kerana firman Allah Ta‘ālā:

“*wa lā ta‘āwanū ‘alā al-ithmi wa al-‘udwān.*”

(Ertinya: “Dan janganlah kamu bertolong bantu di atas dosa dan pecorobohan”. – P.).

Sebahagian juga haram atas orang-orang Islam memilih akan wakil mereka di parliment daripada orang-orang yang tiada tujuannya melainkan dunia, dan tidak bermaksud menjalankan hukum-hukum Allah Ta‘ālā, sekalipun orang-orang itu orang-orang yang beragama Islam, kerana dengan sebab memilih dan menyokong parti yang tersebut tidak dapat menjalankan segala hukum Tuhan, dan tidak dapat melarang segala perkara yang mungkar.

Adapun orang-orang Islam yang berkecuali - terutama alim ulama, yang tidak menyokong akan parti Islam dan tidak menyokong yang lainnya, maka mereka adalah daripada

Bacalah riwayat hidup

Saiyidina

Abū Bakar al-Šiddīq

(Oleh: Abdullah Basmeh)

2 penggal tamat. Penggal pertama telah dicetak semula.

Harga sepenggal \$1.20 belanja mengirimnya 10 sen.

Pesanlah kepada penerbitnya:

Qalam, Singapura

syaitan-syaitan yang bisu, bukan daripada mukmin yang sempurna. Janganlah orang-orang awam terpedaya oleh mereka, kerana mereka tidak beramat dengan hadith Nabī ﷺ: “*al-mu'min li al-mu'min ka al-bunyāna yashuddu ba'duhu ba'da.*” Ertinya: Orang yang beriman – yang sempurna imannya bagi orang yang beriman (yang lain) adalah seperti binaan (rumah batu) menguatkan setengahnya akan setengahnya yang lain.” (Diriwayatkan oleh al-Bukhari, Muslim, al-Tarmizi dan al-Nisa'i, daripada Abī Mūsā, *radiya Allāh 'anhu*).

Ditakuti mereka masuk di dalam hadith Nabī ﷺ: *'alayhi wa sallam*, yang diriwayatkan oleh Abū Nu'aym dan lainnya: “*Man lam yahtam bi amri al-muslimīn fa laisa min hum.*”

Ertinya: “Barang siapa tiada mengambil berat akan

urusan orang-orang Islam maka tiadalah ia daripada golongan mereka.”

Tentang mereka merasa takut akan dimarahi oleh anggota-anggota parti yang lain apabila mereka menyokong akan parti Islam maka yang demikian tidaklah menjadi uzur bagi mereka untuk meninggalkan perkara-perkara yang wajib yang sedang berjuang hendak menegakkan hukum Allah dan memajukan agama Islam.

Mereka tidak harus menjadi ular sekerat dan belut sekerat!

Demikian pati huraiyan faqīlat al-Shaykh Abdul Kadir al-Mandili tentang masalah ini.

Shaykh Abdul Rahman Shibli Sarawak

Shaykh Haji di Makkah Al-Mukarramah

(Telegram : Shibli Makkah)

(Peti surat nombor 188)

Sedia menyembah dan menjaga segala urusan saudara-saudara di Makkah, di Madinah, di Arafah dan di Mina dengan sepenuh-sepenuh puas hati. Timbang dan apa-apa perbelanjaan menurut apa yang ditetapkan oleh kerajaan Saudi Arabiyah, yang sentiasa memelihara keselamatan, kesihatan dan kesejahteraan sekalian saudara yang mengunjungi Tanah Suci, yang sedia teratur perhubungan secara modern dengan belanja yang murah.

BerShaykhlah dengan Shaykh Shibli yang berdekatan dengan Masjidil Haram.

Berhubunglah dengan wakil kita:

HAI AWAD BIN JA'AFAR

AHMAD MUSTAPHA AL-EDRUS

115-1 Minto Road,
Singapore, 7.

Jalan Haji Mataim,
Kuching, Sarawak

Atau kepada:

A.H EDRUS

356/8 Geylang Road,
Singapore, 14.

Yang akhir ini akan bersedia memberi dan petunjuk-petunjuk kepada orang-orang haji yang akan berShaykh dengan Shaykh Abdul Rahmann Shibli Sarawak.